



Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 11 (13.608)

Баҳоси эркин нарҳда

БИРИНЧИ ПРЕЗИДЕНТИМИЗ ТАВАЛЛУДИНИНГ 80 ЙИЛЛИГИ ҲАР ТОМОНЛАМА МУНОСИБ НИШОНЛАНАДИ

Президентимиз Шавкат Мирзиёев раислигида шу йил 17 январь куни Ўзбекистон Республикасининг Биринчи Президенти Ислоҳ Каримов таваллудининг 80 йиллигини нишонлаш бўйича тайёргарлик ишларини самарали олиб бориш ва ушбу санани ҳар томонлама юқори савияда ўтказиш билан боғлиқ масалалар муҳокамасига бағишланган йиғилиш бўлиб ўтди.

Унда Биринчи Президентимиз Ислоҳ Каримов таваллудининг 80 йиллигини нишонлаш бўйича ташкилий қўмида аъзолари, тегишли вазирлик ва идоралар раҳбарлари, видеоконференция алоқа тизими орқали вилоят ҳокимлари, олий ўқув юртлири ректорлари, "Нуроний" жамғармаси, Ўзбекистон Хотин-қизлар қўмитаси, Ёшлар иттифоқи ва бошқа жамоат ташкилотлари раҳбарлари ҳамда фаоллари иштирок этди.

Маълумки, шу йил 30 январь куни мустақил давлатимиз асосчиси, буюк давлат ва сиёсат арбоби, Биринчи Президентимиз Ислоҳ Каримов таваллудининг 80 йиллиги мамлакатимизда кенг нишонланади. Шу муносабат билан давлатимиз раҳбари Шавкат Мирзиёевнинг 2017 йил 27 ноябрда қабул қилинган қарори асосида юртимизда кенг қўламли ишлар олиб боришмоқда. Жумладан, Самарқанд шаҳрида Ислоҳ Каримов мақбара мажмуаси, Қарши шаҳрида эса Биринчи Президентимиз хотирасига бағишлаб ҳайкал бунёд этилмоқда.

Шу билан бирга, Ислоҳ Каримовнинг гоёат серқирра ҳаёти ва фаолиятини кенг тарғиб этиш бўйича кўплаб маданий-маърифий ишлар амалга оширилмоқда. Хусусан, "Ўзбекино" миллий агентлиги томонидан айни шу мавзуга бағишланган ҳужжатли фильм суратга олинмоқда. Ўзбекистон Матбуот ва ахборот агентлиги томонидан бир қанча илмий-оммабоп китоблар, жумладан, Ислоҳ Каримовнинг "Юксак маънавият — енгилмас куч" асари нашр этилмоқда. Тошкент шаҳрида фаолият кўрсатаётган Ислоҳ Каримов номидagi илмий-маърифий ёдгорлик мажмуаси ва Ислоҳ Каримов хайрия жамоат фонди

томонидан ҳам бир қатор тadbирлар ўтказилмоқда.

Шунингдек, март ойида Самарқанд шаҳрида Биринчи Президентимиз Ислоҳ Каримовнинг ҳаёти ва фаолиятига бағишлаб халқаро илмий конференция ўтказиш ва бошқа муҳим тadbирлар бўйича кенг қўламли ишлар олиб боришмоқда.

Ислоҳ Абдуғаниевич Каримов ўзининг Президент сифатидаги бутун ҳаёти ва фаолиятини юртимизда янги давлат, янги жамият барпо этиш, мустақиллигимизни мустаҳкамлаш, ўзбек номини, Ўзбекистон номини бутун дунёга тараннум этишдек улуг мақсадга бағишлади. Халқимиз мамлакатимизда истиқлол йилларида амалга оширилган улкан ўзгаришларни ҳақли равишда Биринчи Президентимизни номи билан боғлайди, деб таъкидлади давлатимиз раҳбари Шавкат Мирзиёев.

Шунинг учун ҳам бу тарихий санани ҳар томонлама юксак даражада ўтказиш бизнинг ўз тарихимизга, мустақиллигимизга бўлган ҳурматимизни, халқ, миллат сифатидаги маданиятимиз ва маънавиятимизни намойён этиши, айнан шунга қараб дунё жамоатчилиги бизга баҳо беришига йиғилишда алоҳида эътибор қаратилди. Энг муҳими, бундай қутлуг саналар ўз тарихимиз, миллий ўзлигимизни англашга, халқимиз, айниқса, ёшларимизни эл-юртимизга бутун борлигини бериб, фидойилик кўрсатиб яшаган улуг инсонларнинг ибратли фаолиятига ҳар томонлама муносиб этиб, уларнинг эзгу фазилатлари руҳида тарбиялашга хизмат қилиши қайд этилди.

Йиғилишда Бош вазир, юбилей ташкилий қўмитасининг раиси А.Арипов, Президентнинг Давлат

маслаҳатчиси Х.Султонов, Тошкент шаҳар ҳокими Р.Усмонов, Ислоҳ Каримов номидagi илмий-маърифий ёдгорлик мажмуаси раҳбари Т.Ширинов, Қашқадарё вилояти ҳокими Э.Рўзиёев, Самарқанд вилояти ҳокими Т.Жўраев, Наманган вилояти ҳокими Х.Бозоров, Сурхондарё вилояти ҳокими Э.Турдимов, Қорақалпоғистон Республикаси Жўқорги Кенгеси раиси М.Ерниязовнинг ҳисоботлари эшитилди.

Йиғилишда Ўзбекистон Республикасининг Биринчи Президенти Ислоҳ Каримовнинг 80 йиллик юбилейига тайёргарлик кўриш бўйича амалга оширилган ишлар чуқур таҳлил қилиниб, асосий юбилей тadbирларини юксак даражада ўтказиш бўйича аниқ вазифалар белгилаб берилди.

Юбилей кунларида барча таълим муассасалари, ҳарбий қисмлар, меҳнат жамоалари ва маҳаллаларда таниқли адиб ва олимлар, нуронийлар, турли соҳа мутахассислари иштирокида Биринчи Президентимиз хотирасига бағишланган учрашувларни мазмули ва юқори савияда, таъсирчан руҳда, аниқ ҳаётий мисоллар асосида ўтказишга алоҳида эътибор қаратиш зарурлиги қайд этилди.

Ислоҳ Каримов таваллудининг 80 йиллигини нишонлаш билан боғлиқ барча маросим ва тadbирларни Биринчи Президентимизнинг Ватанимиз олдидаги унутилмас хизматларига ҳар томонлама муносиб ҳолда ўтказиш бизнинг нафақат вазифамиз, балки муқаддас инсоний бурчимиздир, деб таъкидлади пировадига давлатимиз раҳбари.

ЎЗА

Ўзбекистон Республикаси Президентининг ҚАРОРИ

МАМЛАКАТ ИҚТИСОДИЁТИНИНГ ТАРМОҚЛАРИНИ ТАЛАБ ЮҚОРИ БЎЛГАН МАҲСУЛОТ ВА ХОМ АШЁ ТУРЛАРИ БИЛАН БАРҚАРОР ТАЪМИНЛАШ ЧОРА-ТАДБИРЛАРИ ТЎҒРИСИДА

Мамлакатда валюта сиёсатини либераллаштириш, реал бозор конъюнктурасини ҳисобга олган ҳолда нархни шакллантиришнинг замонавий механизмларини жорий этиш, соғлом рақобат ва ишбилармонлик муҳитини яхшилаш учун қулай шарт-шароитлар яратиш борасида комплекс чора-тадбирлар изчил равишда амалга оширилмоқда.

Ўзбекистон Республикаси Президентининг 2018 йил 16 январьдаги "Мамлакатнинг озик-овқат хавфсизлигини янада таъминлаш чора-тадбирлари тўғрисида"ги ПФ-5303-сонли Фармониға мувофиқ мамлакатта озик-овқат товарларини олиб кириш бўйича айрим субъектларга тақдим қилинган индивидуал божжона, солиқ ва бошқа имтиёзлар, шунингдек, бошқа преференцияларнинг бекор қилиниши носоғлом рақобат, айрим маҳсулот турлари импортининг монополаштирилиши, нархнинг сунъий оширилиши, оқибатда, бу асосда асоссиз фойда кўришга кўмаклашувчи шарт-шароитларга барҳам бериш борасида муҳим қадам бўлди.

Шу билан бирга, баъзи тизимли муаммоларнинг мавжудлиги қўлаған чора-тадбирларни самарали амалга оширишга тўққинлик қилмоқда, айрим маҳсулот ва хом ашё турлари тақчиллигининг юзага келишига, улар нархнинг спекулятив ўсишига ва товар (иш, хизмат)ларни ишлаб чиқаришнинг рентабеллиги пасайишига олиб келмоқда. Хусусан:

Биринчидан, айрим маҳсулотлар ва хом ашё ресурслари турларини маҳаллий ишлаб чиқариш ҳажмининг етарли эсамлиги зарур захиранини шакллантиришни таъминлаш, мавжуд ишлаб чиқариш қувватларини тўлиқ ишга солиш имконини бермаётгани, бу эса спекулятив операцияларга, охир-оқибатда, талаб юқори маҳсулот ва хом ашёлар нархнинг ўсишига олиб келмоқда;

Иккинчидан, юқори ликвидли маҳсулотлар ва хом ашё ресурсларини биржа савдоларида реализация қилишнинг самарали бозор механизмларини жорий этишдаги камчиликлар турли хил суистеъмолчиликлар учун шарт-шароит яратмоқда;

Учинчидан, норузда фойдали қазилмаларни ўз ичига олган ер қазри участкаларини фойдаланиш фаолиятининг лицензиялашнинг мураккаб тартиб-таомиллари қурилиш материалларини маҳаллий ишлаб чиқаришни ривожлантиришга ва мазкур соҳага тўғридан-тўғри инвестицияларни жалб этишга тўққинлик қилмоқда;

Тўртинчидан, маҳаллий ишлаб чиқарувчилар томонидан етарли ҳажмда ишлаб чиқарилмайдиган, талаб юқори бўлган маҳсулотлар ва хом ашё ресурслари турларини импорт қилишда божжона божлари ставкасининг юқорилиги улар тақчиллигининг юзага келишига ва нархларнинг асоссиз ўсишига шарт-шароит яратмоқда;

Бешинчидан, энергия самарадор технологияларни жорий қилган корхоналар учун рағбатлантирувчи механизмларни ишлаб чиқиш муддат-

ларининг чўзилиши тайёр маҳсулот ишлаб чиқариш харажатларини кўпайтирмоқда.

Иқтисодиёт турмоқларини талаб юқори бўлган маҳсулот, хом ашё ва материаллар турлари билан барқарор таъминлаш, мавжуд ишлаб чиқариш қувватларидан янада самарали фойдаланиш, шунингдек, иқтисодиётни либераллаштириш шароитида маҳаллий корхоналарни қўллаб-қувватлаш мақсадида:

1. Ўзбекистон Республикаси Президентининг 2017 йил 14 ноябрдаги "Ўқилги-энергетика ресурслари ҳамда бошқа юқори ликвидли маҳсулотлар билан таъминлаш борасида рақобат муҳитини тақомиллаштириш, суистеъмолчиликлар ва талон-торожликлар шароитини тугатиш, тўлов интизомини мустаҳкамлаш, дебиторлик ва кредиторлик қарзларини қаматтириш чора-тадбирлари тўғрисида"ги ПҚ-3386-сон қарорига мувофиқ 2018 йил 1 январдан бошлаб монополия корхоналар томонидан 27 номдаги юқори ликвидли маҳсулотларни фақат биржа савдоси орқали бозор тамойиллари асосида сотиш тартиби жорий этилганлиги маълумот учун қабул қилинсин.

2. Белгилаб қўйилсинки: а) қуйидагилар биржа савдоларида реализация қилинади: экстракцион бензин, мис катоди, мис катанаси, иккиламчи алюминий, металл рух, чорва озуқаси учун бугдой — фақат туман (шаҳар) ҳокимликлари ҳулосасига мувофиқ уларни кейинчалик қайта ишлаш бўйича ишлаб чиқариш қувватларига эга бўлган корхоналарга;

б) қуйидагилар, истисно тариқасида, белгиланган нархлар асосида тўғридан-тўғри шартномалар бўйича реализация қилинади: автомобиль бензини — бюджет ташкилотлари ва автотранспортга ёқилги қўйиш шохобчаларига;

дизель ёнилғиси — бюджет ташкилотлари, давлат буюртмаси бўйича пахта хом ашёси ва галла етштириб беришчи фермер хўжалиқлари, "Ўзбекистон темир йўллари" АЖ, "Тошшаҳартрансизмат" АЖ, маиший чиқиндиларни йиғиш ва олиб кетиш бўйича давлат корхоналарига;

кўмир — бюджет ташкилотлари, аҳоли ва "Ўзбекэнерго" АЖ корхоналарига; аҳолининг ижтимоий эҳтиёжманدد қатламларига мўлжалланган пахта ёғи — 10 фоиздан ортиқ бўлмаган микродордаги чакана устамани ўз ичига олган белгиланган нарх бўйича кейинчалик тақсимлаш учун Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан белгиланган улгуржи ва чакана корхоналарга, давлат стратегик захирасини шакллантириш учун — белгиланган нарх бўйича Ўзбекистон Республикаси Вазирлар Маҳкамаси ҳузуридаги Давлат захираларини бозорчи қўмитасига;

(Давоми 2-бетда)

ИНВЕСТИЦИЯ ДАСТУРЛАРИНИ ШАКЛЛАНТИРИШ ВА МОЛИЯЛАШТИРИШНИНГ ЯНГИ ТАРТИБИ МУҲОКАМА ҚИЛИНДИ

Мамлакатимиз Президенти Шавкат Мирзиёев раислигида 2018 йил 17 январь куни Ўзбекистон Республикасининг ривожланиш давлат дастурларини шакллантириш ва молиялаштириш бўйича жорий этилган янги тартиб асосида ишларни ташкил этиш масалаларига бағишланган видеоселектор йиғилиши бўлиб ўтди.

Йиғилишда Ўзбекистон Республикаси Бош вазир ва унинг ўринбосарлари, Қорақалпоғистон Республикаси Жўқорги Кенгеси раиси, Тошкент шаҳри ва вилоятлар ҳокимлари, тегишли вазирлик ва идоралар раҳбарлари иштирок этди.

Мамлакатимизда иқтисодиёт тармоқларини ривожлантириш, йирик инфратузилма объектлари ва корхоналар барпо этиш жараёнига чет эл инвестициялари изчил жалб қилинмоқда.

Давлатимиз раҳбари юқори иқтисодий ўсишга эришиш ва кучли ижтимоий ҳимояни таъминлашда инвестицияларнинг муҳимлигини қайд этар экан, шу пайтгача бу борадаги ишлар пала-партиш баҳариб келинганлиги танқид остига олди.

Илгари ушбу соҳа раҳбарлари юқори рақамлар ортдан қувниб, инвестицияларни жалб этиш ва ўзлаштириш бўйича кўрсаткичларни ошириб кўрсатишни касб қилиб олган эди. Бунинг оқибатида ҳокимликлар ва тармоқ раҳбарлари ушбу "юк"ни баҳариш учун молиялаштириш манбаси кафолатланмаган ва ташаббусқори аниқ бўлмаган, ҳудудлар ва тармоқлар ривожланишига мос келмайдиган самарасиз лойиҳаларни Инвестиция дастурларига киритишга мажбур бўлар эди.

Масалан, 2012-2017 йиллар давомида "Ўзбекэнерго" акциядорлик жамияти томонидан умумий қиймати 3,3 миллиард АКШ доллари бўлган 14 та лойиҳа инвестиция дастурларига киритилган. Кейинчалик уларнинг барчаси мақсадга мувофиқ эмас деб топилган ва ҳукумат қарорлари билан тўхтатилган. Энг ачинарлиси, мазкур лойиҳалар ҳужжатларини тайёрлашга 185 миллион АҚШ доллари сарфланган.

Инвестиция дастурларини шакллантириш ва лойиҳаларни экспертизадан ўтказиш борасида ҳам қатор муаммолар бор. Бу жараён 15 йил аввал қабул қилинган қарорларда белгиланган мезон ва тартиблар асосида амалга ошириб келинган. Жумладан, лойиҳанинг техник иқтисодий асослари, бизнес режаси ва тендер ҳужжатлари ишлаб чиқилгандан сўнг ваколатли органлар билан такрор ва такрор келишилиши оқибатида унинг экспертизаси белгиланган 15 кун ўрнига 6 ойгача чўзилиш ҳолатларига кўп мартаба йўл қўйилган. Бу инвестиция лойиҳасининг қимматлашиши ва рентабеллиги пасайишига олиб келган.

Маълумки, инвестиция дастурларига иқтисодий асосланган, лойиҳа-смета ҳужжатлари тайёр бўлган лойиҳалар киритилиши зарур. Лекин илгари бундай ҳужжатлар лойиҳа инвестиция дастурига киритилгандан сўнг тайёрлаб келинган. Оқибатда лойиҳанинг дастлабки нархи ва тасдиқланган қиймати ўртасида баъзи ҳолларда ҳатто

80 фоизгача тафовут юзага келган. Бу бюджет маблағлари сарфи асоссиз равишда охиб кетишига сабаб бўлган.

Лойиҳалар пухта ҳисоб-китоб қилинмагани, уларни амалга оширишга инвесторларнинг ўз маблағлари жалб этилмагани оқибатида кўплаб корхоналар банкрот бўлган. Уларни соғломлаштириш вазифаси зиммасига юкланган тижорат банклари ҳам катта зарарлар кўрган. Шу боис жорий йилдан бошлаб банкрот корхоналарни банklar балансига бериш амалиётига чек қўйилди.

Юзаси ўтказилган иқтисодий таҳлил оқибатида лойиҳалар фойдаланишга қабул қилингандан кейин ҳам ўзини оқлаганга — хомашё йўқлиги, энергия ва газ билан таъминланмагани, иқтисодий жиҳатдан самарасиз бўлгани сабабли маҳсулот ишлаб чиқариш ўзлаштирилмай қолган.

Яна бир камчилик: ўз вақтида баҳарилангани ёки ижроси чала бўлгани учун айрим лойиҳалар йилдан йилга, дастурдан дастурга ўтиб келган. Масалан, Давлат санитария-эпидемиология назорати марказини лаборатория билан жиҳозлаш лойиҳаси дастлаб 2015 йилда, кейинчалик 2016 ва 2017 йилларда инвестиция дастурларига такроран киритилган.

Президентимизнинг 2017 йил 18 декабрдаги "Ўзбекистон Республикасининг ривожланиш давлат дастурларини шакллантириш ва молиялаштиришнинг янги тартибин жорий этиш тўғрисида"ги қарори юқоридаги каби таҳлиллар натижасида қабул қилинди. Қарорга мувофиқ, мамлакатимизда тармоқ ва ҳудудий лойиҳаларни амалга ошириш бўйича мутлақо янги тизим йўлга қўйилмоқда.

Давлатимиз раҳбари бу борадаги ишларни ўз босқичида амалга ошириш зарурлигини таъкидлади.

Биринчи босқичда Ривожланиш концепциясини ишлаб чиқиш ва тасдиқлаш керак. Ушбу Концепция тармоқ, ҳудудий ва мақсадли ижтимоий-иқтисодий ривожланиш йўналишларини амалга ошириш бўйича стратегик вазифаларни ўз ичига олган ҳужжат бўлади.

Иккинчи босқичда Ривожланиш концепциясини асосида мақсади ва молиялаштириш манбалари аниқ бўлган 3 йиллик, яъни 2019-2021 йилларга мўлжалланган лойиҳалар портфели шакллантирилади. Ушбу лойиҳалар Инвестициялар бўйича давлат қўмитаси, Иқтисодиёт ва Молия вазирликлари билан келишибилиб, Ўзбекистон Республикаси Президенти ҳузуридаги Лойиҳа башқаруви миллий агентлигида экспертизадан ўтказилади. Хар бир лойиҳани амалга ошириш бўйича батафсил календарь режаси ишлаб чиқилади.

Учинчи босқичда тасдиқланган 3 йиллик лойиҳалар портфели асосида Ривожланиш давлат дастурини ишлаб чиқиш ва тасдиқлаш талаб этилади.

Бундан бунд Ривожланиш давлат дастурларига фақат дастлабки техник-иқтисодий асослари ва лойиҳа-смета ҳужжатлари мавжуд бўлган лойиҳалар киритилади, дея алоҳида таъкидлади Шавкат Мирзиёев.

Президентимизнинг жорий йил 8 январьдаги "Ўзбекистон Республикасининг давлат харидларини амалга ошириш, давлат дастури доирасидаги ҳужжатларни шакллантириш ва амалга ошириш бўйича комплекс экспертизанинг самарали тизимини ташкил қилиш тўғрисида"ги Қарори соҳага оид яна бир муҳим ҳужжат бўлди. Унга мувофиқ, Лойиҳа башқаруви миллий агентлиги ҳузурида Лойиҳалар ва импорт контрактларини комплекс экспертиза қилиш маркази ташкил этилди. Эндиликда лойиҳа, тендер ҳужжатлари ва импорт шартномалари ушбу марказда экспертизадан ўтказилади.

Янги тартиб бўйича ишлар давом этаётгани боис 2018 йилги ижтимоий-иқтисодий ривожланиш лойиҳалари, истисно тариқасида, Президент томонидан тасдиқланадиган Инвестиция лойиҳалари рўйхати асосида амалга оширилади.

Давлатимиз раҳбари тажриба тариқасида Тошкент шаҳри, Тошкент ва Самарқанд вилоятларида лойиҳаларни энергиятежамкор, замонавий қурилиш ва енгил конструкцияли материаллардан фойдаланган ҳолда амалга ошириш орқали уларнинг қийматини 20-30 фоизга арзонлаштириш амалиётини жорий этишни тақлиф қилди.

Иқтисод қилинган маблағлар тўлағича мазкур лойиҳа жойлашадиган шаҳар ёки туман иқтисодида қолади ҳамда ушбу ҳудуднинг ижтимоий ва коммунал соҳа масалаларини ҳал этишга йўналтирилади, деди Президентимиз.

Йиғилишда инвестиция лойиҳаларини иқтисодий, молиявий ва технологик асосланган ҳолда ишлаб чиқишда лойиҳа институтларининг ўрнига алоҳида эътибор қаратилди.

Амалдаги лойиҳа ишларини баҳариш қоидалари ўтган асрнинг 60-70-йилларида ишлаб чиқилган бўлиб, замонавий талабларга мутлақо жавоб бермайди. Шу пайтгача хорижий консултантларни жалб этган ҳолда бирорта ҳам янги лойиҳа институти яратилмаган. Ҳудудларда бугунги талабларга жавоб берадиган лойиҳалаштириш ташкилотлари йўқ.

Хозирги пайтда лойиҳалаштириш институтларининг асосий мақсади лойиҳа қийматини баланд қилиб кўрсатиб, ундан тегишли юқори фойдали фойда олиш бўлиб

ЎЗА

Чилонзор туманида жойлашган ҳарбий қисмда Ватан ҳимоячилари куни ва Ўзбекистон Республикаси Қуролли Кучларининг 26 йиллиги муносабати билан тадбир бўлиб ўтди.

ВАТАН ҲИМОЯСИ ОЛИЙ БУРЧ

Республика Маънавият ва маърифат маркази Чилонзор туман бўлини ташаббуси билан ташкил этилган ушбу тадбирда туман ҳокимлиги, Фуқароларнинг ўзини ўзи бошқариш органлари фаолиятини мувофиқлаштириш бўйича туман Кенгаши, "Нуроний" жамғармаси, Тошкент давлат иқтисодий университетидан вакиллар ҳамда 201-мактаб ўқувчилари иштирок этди.

Тадбирда сўзга чиққан Чилонзор тумани ҳокими Даврон Ҳидоятлов ва бошқалар бугунги тинч ва осуда кунаримиз, мамлакатимиздаги ривожланиш ва юксалишлар, бунёдкорлик ишлари, оилаларимизнинг фаровон турмушида Ватанимизнинг ҳимоячилари бўлган ҳарбийларимизнинг беқиёс ҳиссалари борлигини таъкидлаб ўтди.

Минг шукр қилишимиз керак, ҳар тонг уйғонганимизда қурол овози ёки қандайдир портлашларни эмас, фарзандларимиз, набираларимизнинг шодон кулгусини

эшитамиз, — дейди Чилонзор туман "Нуроний" жамғармаси раиси Обиджон Аҳмедов. — Албатта, бунда Ватанимизни ёмон кўзлардан, гараз ниятли кимсалардан асрашда совуқни-совуқ, иссиқни-иссиқ демай, тунни тонга улаб хизмат қилаётган ҳарбийларимизнинг катта ҳиссаси бор. Бунинг учун уларни ҳар қанча ардоқласак арзийди. Ҳар йили аънавий тарзда туман ҳокимлиги ва ҳамкор ташкилотлар билан биргаликда туманимиздаги ҳарбий қисмларда мана шундай тадбирларни ўтказиб келамиз.

Тадбир доирасида туман ҳокимлиги томонидан ҳарбий хизматчиларга эсдалик совғалари ва фахрий ёрликлар топширилди. Байрам дастурхони ёзилиб, миллий таъминоти ош тортилди. 201-мактаб ўқувчилари томонидан ўқилган шеърлар, санъаткорларнинг куй-қўшиқлари байрамга янада кўтаринкилик улашди.

Абдували СОДИҚОВ

Мамлакатимизда амалга оширилаётган кенг қўламли ислохотлар ёшларимизнинг жамият ҳаётидаги фаол иштирокини таъминлаш, юксак маънавиятли, мустақил ва эркин фикрлайдиган, замонавий илм-фан ютуқларини пухта ўзлаштирган ҳар томонлама соғлом ва баркамол авлодни вояга етказишга қаратилган.

БАРКАМОЛ АВЛОД ТАРБИЯСИ ЙЎЛИДА

Ўзбекистон Республикаси Миллий гвардиясининг "Темурбеклар мактаби"да ўтказилган "Миллий армиямиз — ёшларнинг мардлик, матонат ва жасорат мактабидир" шиори остидаги тадбирда бу жиҳатлар алоҳида эътироф этилди.

Мудофаага кўмаклашувчи "Ватанпарвар" ташкилоти "Яшнобод Ўқув СТК" унитар корхонаси билан ҳамкорликда ташкил этилган тадбирда сўз олганлар мамлакатимиз мудофаа тизимида амалга оширилаётган кенг қўламли ислохотлар юксак

самаралар бераётгани, она Ватан ҳимоясини шон-шараф деб билаётган ёшлар сафи кенгаётганини таъкидлаб ўтишди. Шу билан бирга Ватан ҳимоячилари куни билан шахсий таркиб табрикланди. Ҳарбийлар ва ўқувчиларга фахрий ёрлик ҳамда эсдалик совғалар топширилди.

Тадбир давомида Мудофаага кўмаклашувчи "Ватанпарвар" ташкилоти "Яшнобод Ўқув СТК" унитар корхонасининг махсус совғалари тақдим этилди.

Зиёда РАСУЛОВА

Мулоҳаза

КИТОБ — ҲАЁТ МАЗМУНИ

Бугун ҳар бир инсон ўз дунёқараши, тафаккури, фикрлаш қобилияти, онги ва илмини ошириш мақсадида китобни севиши, уни кундалик ҳаётининг зарур бир бўлаги, моддий таъминоти даражасига кўтариши кераклигини аллақачон англаб етган, деб ўйлаймиз.



Жамият ҳаётида қадрият ва аънаваларни қарор топтиришга, халқимиз, айниқса, ёш авлодни маънавий салоҳиятли, она Ватани ва халқига муҳаббатли, садоқат туйғуси билан яшайдиган қилиб тарбиялашда китобхонлик маданиятини ошириш алоҳида ўрин тутди.

Ўзбекистон Республикаси Президентининг "Китоб маҳсулотларини нашр этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида"ги Қарори халқимиз ҳаётида кўп йиллардан бери орзиқиб кутган долзарб, замонавий талабга тўлиқ жавоб берадиган дастуруламал бўлди десак адашмаймиз. Бу қарор халқимиз томонидан жуда мамнуният билан қабул қилинди ва уни амалда қўллаш нафақат китобсеварларнинг, балки ҳамма-ҳамманинг кундалик иш тартибининг бир бўлаги ҳисобланмоғи зарур.

Президентимиз қароридан келиб чиққан ҳолда, китоб савдоси билан шуғулланидиган инсонларнинг янада фаолроқ бўлиши, китоб сотиш шохобчаларини кенгайтириш, ўзбек ва дунё адабиётини харидорларнинг ўзлари кўриб харид қилиши жуда катта аҳамиятга эга. Бу борада барча китобсеварларни хушнуд этиб келатган "Китоб олами" мажмуаси яққол мисол бўла олади. Негаки ушбу "Китоб олами" мажмуасига кирсангиз бу ердаги орасталик, тартиб-қоидалардан кўзингиз қувонади ва албатта ўзингиз учун ҳам, фарзандларингиз, набираларингиз учун ҳам китоблар харид қиласиз, бунга сиз имкон ҳам, хоҳиш ҳам топасиз.

Шу мақолани ёзишдан асосий мақсад эса "Китоб олами" мажмуасига ўхшаш ёки худди шундай китоб савдоси билан шуғулланидиган китоб дўконлари қурилса, нур устига аъло нур бўлар эди. Чунки бизнинг яшаб турган ҳудудимиз Мирзо Улуғбек туманининг ТТЗ-2 мавзесига, яъни Пилла-1, Пилла-2 кўчалари, "ТТЗ-1", "ТТЗ-2", "Тракторсозлар", "Юзработ", Азамат, Миновар қори маҳаллалари аҳолиси ва бизга қўшни бўлган маҳаллалар "Дўрмон", "Юқори юз", "Ғишт заводи" ва бошқа ҳудудлар аҳолиси учун ҳам бу жуда зарур. Яъни, агар ушбу ҳудудлар оралиғида маънавиятимиз бешиги бўлмиш — китоблар олами дўконлари қурилиши хурматли Президентимизнинг қароридан айрилгандек, ҳар бир шаҳар ва туманда китоб савдосига иқтисослаштирилган дўконларни ташкил этиш — бу ҳудуд

аҳолисининг асл орзу-мақсадларини амалга ошириш демакдир.

Мен ҳаёт сабоғидан ибрат олиб, табаррук ёшларга етган, қолаверса, профессор даражасидаги инсон сифатида бир-икки та мулоҳазаларни билдирмоқчи эдим.

"Китоб олами" мажмуаси қандай бўлиши керак? Бизнинг тушунчамиз бўйича китоб дўкони 2 қаватдан иборат бўлиб, 1-қаватда ўқувчилар учун ёзув, чизув предметлари, блокнотлар, плакатлар, кўргазма кўроллар, портретлар, чизмачилик учун керак бўладиган қуроллар, Ўзбекистон ва дунё хариталари, дафтар ва фломастерлар, папкалар, файллар ва бошқалар. 2-қаватда баддий китоблар, рус адабиёти, ўзбек адабиёти ва энг қадимий адабиётлар, таржима асарлар, жаҳон адабиёти, лугатлар ва барча учун керакли бўлган ҳамма-ҳамма адабиётларнинг сотилишини амалга оширсалар, китоб харид қилувчиларга жуда қулай бўлар эди. Юқорида зикр этилган маҳаллалар аҳолисининг китобга бўлган муносабатлари эса жуда юқори, яъни улар китоб — бу дунё, яхшиликка чорловчидир, деган эзгу фикрни билдирмоқдалар. Демак, китоб ўқишга қизиқиш ортар экан, халқимиз истагини эътиборга олиб, ҳокимият мутасаддилари китоб мажмуасини тезроқ барпо этилишига ҳаракат қилдилар деб умид қиламиз. Бу албатта Ўзбекистон Республикаси Президентини қарорининг амалда тезроқ тадбир этилишига ҳисса бўлиб қўшилиди. Мақсадимиз аҳоли қанчалик китобга ошурфта, чуқур билимли бўлса, юртимиз тинчлиги, осойишталиги йилдан йилга ортаверади. Китоб дўкони қаерда қурилши керак? Бизнинг ҳудудимизда 2 та автомобилларга ёқилги қўйиш шохобчаси жойлашган. Иккаласи ҳам бир-бирига жуда яқин қурилган. Бу ёнғин хавфсизлигига таъсир этади, шу сабабли биттасининг ўрнига китоб дўкони қурилса айна мудоаа, аҳолига ҳам жуда қулай бўларди. Лекин бу бизнинг тахминимиз ҳолос, шаҳар ҳокимияти қаерни лозим топиб, бизга китоб дўкони қуриб беришса, халқнинг истагини бажо келтирган бўлар эдилар. Чунки китобга бўлган интилиш ҳаёт мазмунига айланиши керак.

Зеро, китоб — офтоб. У ҳамиша йўлимизни ёритиб туришга хизмат қилади.

Мирқурбон АБДУЛЛАЕВ,
профессор,
Мирзо Улуғбек тумани
"Аҳиллик" маҳалла фуқаролар йиғини
раиси маслаҳатчиси

моддий ёрдам кўрсатилди.

— Бу каби тадбирлар бугун республика-мизни қамраб олган ҳолда пойтахтимизнинг Чилонзор, Мирзо Улуғбек, Учтепа, Миробод, Яққасарой, Юнусобод, Сергели, Олмазор каби туманларида ҳам ўтказилди, — дейди Тошкент шаҳар қасаба уюшмалари ташкилотлари бирлашмаси Кенгаши бўлим мудирини Равшан Махаммадалиев. — Пойтахтимиз туманларида ўтказилган мазкур тадбирлар доирасида 1000 нафарга яқин ижтимоий ҳимояга муҳтож, ногирон оила аъзосини парваришлайётган, боқувчисини йўқотган оилалар замонавий маиший техника жиҳозлари билан таъминланди. Шунингдек, 110 нафар эҳтиёжманд фуқаронинг уй-жойини таъмирлаш, 70 нафарга яқин беморга соғлигини тиклаши учун амалий ёрдам кўрсатилди.

Тадбирга ташриф буюрган шайхонтоҳурлик кам таъминланган оила вакиллари Президентимиз томонидан кўрсатилаётган ғамхўрликдан мамнун эканликларини, бундан уларнинг турмуш фаровонликлари ошаётганини эътироф этдилар.

Тадбир халқимиз ардоғидаги санъаткорларнинг чиқишлари ва куй-қўшиқлар билан иштирокчиларда катта тасаррут қолдирди.

З. ШАРИФЖОНОВ

Яққасарой тумани ҳокимининг
ҚАРОРИ

ЯҚҚАСАРОЙ ТУМАНИДА ИЖТИМОЙ МУҲОФАЗАГА МУҲТОЖ ВА ИШ ТОПИШДА ҚИЙНАЛАЁТГАН ШАХСЛАРНИ ИШГА ЖОЙЛАШТИРИШ УЧУН ИШ ҲАМКАРЛАРИНИ 2018 ЙИЛ УЧУН БАНД ҚИЛИБ ҚЎЙИШ ТЎҒРИСИДА

Ўзбекистон Республикаси "Аҳолини иш билан таъминлаш тўғрисида"ги Қонунининг 17-моддасига (Ўзбекистон Республикаси Олий Мажлиси Ахборотномаси 1998 й., 5-6-сон 97-модда), Ўзбекистон Республикасида ногиронларни ижтимоий ҳимоя қилиш тўғрисида"ги (янги таҳрири) Ўзбекистон Республикаси Қонунининг 25-моддасига (Ўзбекистон Республикаси Олий Мажлиси Ахборотномаси 2008 й., 7-сон 353-модда), Ўзбекистон Республикаси "Одам савдосига қарши курашиш тўғрисида"ги Қонунининг 8-моддасига (Ўзбекистон Республикаси Олий Мажлиси Ахборотномаси 2008 й., 4-сон 190-модда), Ўзбекистон Республикаси Президентининг "Аҳолини бандлигини ошириш ҳамда меҳнат ва аҳолини ижтимоий муҳофаза қилиш органлари фаолиятини такомиллаштириш чора-тадбирлари тўғрисида"ги 2007 й., 6 апрелдаги ПҚ-616-сон Қарори (Ўзбекистон Республикаси қонун ҳужжатлари тўплами, 2007 й., 15-сон 156-модда), Ўзбекистон Республикаси Вазиirlар Маҳкамасининг 2008 й., 20 августдаги 186-сон қарори билан тасдиқланган "Ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларини банд қилиб қўйиш тартиби тўғрисида"ги Низомга (Ўзбекистон Республикаси қонун ҳужжатлари тўплами, 2008 й., 34-сон 333-модда, 2010 й., 13-сон 96-модда, 2011 й., 1-2-сон 4-модда, 2012 й., 44-сон 507-модда) мувофиқ ижтимоий муҳофазага муҳтож ва иш топишда қийналаётган шахсларни ишга жойлаштириш учун 2018 йилга мўлжалланган банд қилиниши керак бўлган иш ўринлари сонини ва уларга қўйиладиган талабларини белгилаш бўйича туман махсус комиссиясининг 2017 й. сентябрдаги баёнини инобатга олиб,

ҚАРОР ҚИЛАМАН:

1. Яққасарой туманида ижтимоий муҳофазага муҳтож ва иш топишда қийналаётган шахсларни ишга жойлаштириш учун тумандаги 115 та ташкилотларда аҳолининг қуйидаги тоифалари учун жами 1194 та иш ўринлари банд қилиб қўйилсин:

— ёлғиз ота, ёлғиз она ва 14 ёшга бўлган ногирон болалари бор кўп болали ота-оналар учун — болаларини тарбиялаш ва меҳнат мажбуриятлари бўйича вазифаларни уйғунлаштириш имконини берадиган, ўзгарувчан иш жадвалга эга бўлган иш ўринлари;

— таълим муассасаларини тугатган ёшлар учун — уларнинг касб бўйича тайёргарлигига мувофиқ бўлган иш ўринлари;

— муддатли ҳарбий хизматдан бўшатилган шахслар учун — уларнинг касб бўйича тайёргарлигига мувофиқ бўлган иш ўринлари;

— ногиронлар учун — меҳнат шaroитлари бўйича аттестациядан ўтказилган ҳамда ҳодимга иш жараёнларини тўқинилмасиз бажариш имконини (соғлигининг аҳоли ва меҳнат фаолиятига nisбатан белгиланган зид кўрсаткичлар ҳисобга олинган ҳолда) берадиган иш ўринлари;

— бандликка кўмаклашиш ва аҳолини ижтимоий муҳофаза қилиш туман марказида иш қидирувчи сифатида ҳисобда турган пенсия ёшига яқинлашиб қолган шахслар учун — махсус малакани талаб қилмайдиган иш ўринлари;

— жазони ижро этиш муассасаларидан озод қилинган, жазони ўтаётган ёки суд қарорига кўра тиббий ҳарактердаги мажбурий чоралар кўрилган шахслар учун иш ўринлари;

— одам савдосидан жабрланганлар учун иш ўринлари.

2. Яққасарой туманида ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларининг 2018 йил учун банд қилиб қўйиш лозим бўлган ташкилотлар рўйхати иловага асосан тасдиқлансин.

3. Иш ўринларини банд қилувчи ташкилотлар раҳбарларига:

— ижтимоий муҳофазага муҳтож ва иш топишда қийналаётган шахсларни иш билан таъминлаш учун 2017 йил якунлашишдан 10 кун олдин банд қилинган иш жойлари умумий миқдорининг камида 25 фоизи учун, 2018 йилнинг 10 апрелидан кечикмай иш жойларининг қолган қисми 75 фоизини барпо этиш (ақратилиш ёки банд қилиб қўйиш) тўғрисидаги, яъни ҳар бир тоифа бўйича иш ўринлари банд қилиб қўйиладиган касблар ва лавозимлар, мутахассисликлар туман бандликка кўмаклашиш ва аҳолини ижтимоий муҳофаза қилиш марказига тақдим этилсин;

— иловадаги шахслар учун иш ўринлари санитария-гигиена нормалари ва меҳнат шaroитларига мувофиқлаштирилиши таъминлансин.

4. Ушбу қарор ижроси бажарилмаган тақдирда ташкилотнинг мансабдор шахсларига "Ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларини банд қилиб қўйиш тартиби тўғрисида"ги Низомнинг 15-бандига мувофиқ жарима солинад.

5. Ижтимоий муҳофазага муҳтож ва иш топишда қийналаётган шахслар учун банд қилиб қўйиладиган иш ўринларини иловада белгиланган миқдордан орттича ташкил этган ташкилотлар ушбу иш ўринларини ташкил этишга сарфланган маблағларнинг бир қисмини туман Бандликка кўмаклашиш маркази билан тузилган шартнома асосида Бандликка кўмаклашиш жамғармаси маблағлари ҳисобидан қоплаш ҳуқуқига эга эканликларини инобатга олинсин.

6. Бандликка кўмаклашиш маркази (Ш.Абдуллаева):

— ташкилотлар раҳбарлари томонидан мазкур қарорини тўлиқ бажариш юзасидан қатъий назорат ўрнатилсин.

7. Мазкур қарор расмий эълон қилинган кундан эътиборан қучга кирад.

8. Ушбу қарорнинг бажарилишини назорат қилиш Яққасарой туман ҳокимининг ўринбосари Н.Абдурахманов зиммасига юклатилсин.

Яққасарой туман ҳокими
С.Махаметов

2017 йил 17 ноябрь

Қарорнинг илова қисми билан Тошкент шаҳар ҳокимлигининг tashkent.uz сайти орқали танишиш мумкин.

ИНСОН МАНФААТЛАРИ ДОИМО ЭЪТИБОРДА

"Версаль" тантаналар саройида Шайхонтоҳур туманида истиқомат қилувчи 111 нафар ижтимоий ҳимояга муҳтож, кам таъминланган оилалар учун Тошкент шаҳар қасаба уюшмалари ташкилотлари бирлашмаси Кенгаши ва туман ҳокимлиги томонидан уй-рўзғор учун зарур бўлган маиший техника воситалари топширилди.

Айтиш жоизки, Ўзбекистон Республикаси Президентининг 2017 йил 12 сентябрдаги "Аҳолининг кам таъминланган қатламларини қўллаб-қувватлашга оид қўшимча чора-тадбирлар тўғрисида"ги Қарори эҳтиёжманд инсонларнинг турмуш фаровонлигини ошириш, ижтимоий-иқтисодий аҳоли ҳамда маиший шaroитларини яхшилаш имконини бермоқда.

Хусусан, Президентимиз ташаббуси билан мамлакатимизда аҳолининг ижтимоий ҳимояга муҳтож қатламини моддий ва маъ-

навий қўллаб-қувватлаш, жамиятда меҳроқибат, бағрикенглик ва хайр-саховат муҳитини янада мустаҳкамлаш борасида амалга оширилаётган саъй-ҳаракатлар натижа-сида бугунги кунга қадар республика бўйича 22 минг. 155 та оила кундалик турмушда зарур бўлган маиший техника жиҳозлари билан таъминланди. Кам таъминланган оилаларда истиқомат қилувчи 851 нафар беморлар соғлигини тиклаш учун 2 млрд. 191 млн. сўмдан зиёд, 1307 та оилага уй-жойини таъмирлаш учун 8 млрд. 557 млн. сўмдан ортиқ

Спорт янгилклари



Футбол бўйича Ўзбекистон чемпиони — "Локомотив" жамоаси айна пайтда Дубайда янги мавсум ҳозирлигини давом эттирмоқда.



МАҲОРАТЛИ ФУТБОЛЧИЛАР ЖАЛБ ЭТИЛМОҚДА

Пойтахтимизнинг етакчи футбол клублари — "Локомотив", "Пахтакор" ҳамда "Бунёдкор" аъзолари жорий йилги мавсумга қизгин ҳозирлик кўришмоқда.

Жумладан, амалдаги мамлакат чемпиони "Локомотив" айна кунларда БААнинг Дубай шаҳрида ўқув-машгулот йиғинида иштирок этмоқда. 23 январга қадар давом этадиган машгулот йиғинлари кунига икки маҳалдан уюштирилмоқда. Машгулот йиғинлари доирасида Туркия, Шотландия ҳамда Россия клубларига қарши "Локомотив" ўртоқлик ўйинларида омадини синаб кўри-

ши режалаштирилган. Туркияда ўқув-машгулот йиғини ўтказётган "Пахтакор" мураббийлар штаби жамоани иқтидорли футболчилар ҳисобига кучайтиришга аҳд қилишган. Чунки, ўтган йили Хитой чемпионатида омадини синаб кўрган маҳоратли футболчи, миллий терма жамоамиз аъзоси Егорь Кримец "Пахтакор" машгулотларида қатнашмоқда. Айрим манбаларда

ёзилишича, "Пахтакор" мураббийлари "Насаф" ҳужумчиси Бобур Абдуҳалиқовга жиддий қизиқиш билдиришмоқда. Миржалол Қосимов бош мураббийлигидаги "Бунёдкор" эса Тошкентда ўқув-машгулот йиғини ўтказмоқда. "Қалдирғонлар" мураббийлари "Қўқон-1912" аъзоси, сербиялик ҳужумчи Филипп Райевични жамоа тарихида кўришни исташмоқда. Акбар ЙЎЛДОШЕВ

"ЛОКОМОТИВ" КЛУБИДАГИ ЯНГИ ЎЙИНЧИЛАР

"Темирўлчилар" сафида бир қатор янги футболчилар хориж йиғинида иштирок этишмоқда. Жумладан, россиялик 25 ёшли ҳужумчи Дмитрий Барков ҳамда 24 ёшли корейлик ҳужумчи Чо Сок Жаэ ҳозирда "Локомотив" машгулотларида қатнашишмоқда. Бугун "Локомотив"нинг "Абердин"га қарши ўтказган ўртоқлик ўйинида мазкур футболчилар ҳам майдонга тушишди.

Таъкидлаш жоизки, Дмитрий Барков илгарди "Тосно" (Россия), "Нарва Транс" (Эстония), "Истиклол" (Тожикистон) каби жамоалар шарафини ҳимоя қилган. Корейс футболчиси эса "Чонбук Моторс" тарбияланувчиси ҳисобланади ва бунга қадар "Чоннам Драгонс", "Анян" каби Жанубий Корейнинг номдор клублари сафида фаолият олиб борган.

Ботир ХЎЖАЕВ

ШУНҚОРЛАР КУЧ СИНАШДИ

Республика телевидение ва радио коллежида "Ватанпарвар" ташкилоти "Бектемир ЎСТК" УК ва Бектемир тумани мудофаа ишлари бўлими томонидан Республика телевидение ва радио коллежи билан ҳамкорликда ўқувчилар ўртасида "Шунқорлар" ҳарбий-спорт мусобақаси ўтказилди.

Ёшларда ҳарбий-ватанпарварлик руҳини кучайтириш, уларнинг ҳарбий хизмат ва олий ҳарбий билим юрталарига тайёргарлигини ошириш, ёшлар ўртасида соғлом турмуш тарзини кенг тарғиб этиш мақсадида уюштирилган ҳарбий-спорт мусобақаси пневматик миллиқдан ўқ отиш билан бошланди. 2-шарт "Умумқўшин ҳимоя воситасини кийиш", 3-шарт "Арқонга осилиб чиқиш", 4-шартада ҳарбий таълимга оид савол-жавоблар ўтказилди. Натижалар ҳисоб-китобида кўра ўқувчилардан Исломжон Ҳасанов, Камрон Абдуллаев, Маммуржон Джўрабевлар юқори натижаларга эришиб, му-

собақа ғолиблари бўлдилар. Ғолиб ва совриндорларга "Ватанпарвар" ташкилоти "Бектемир ЎСТК" УК совгалари ва дипломлари топширилди. Барчанинг тинч, хотиржам ҳаётимиз Қуролли Кучларимиз томонидан ишончли тарзда ҳимоя қилинмоқдаки, мана шундай масъулиятли бурни сиққидилдан адо этаётган, тарққийимиз барқарорлигига қамарбаста бўлаётган ўғонларимизни ҳар қанча эъзозласак, қўққа кўтарасак арзийди. Даврон НУРМАТОВ

Қатрала

ТИКЛАНГАН ДЎСТЛИК

Бир танишим билан ўртамизга "ола мушук" оралаган эди. Орамиздаги тушунмовчилик пашшадек эди-ю, "рақиб"имдаги ғурур уни ўз кўнглига филдек кўрсатарди. Ниҳоят, "фил"дек фикрини энг яқин ошнамга маъқуллаб, менга етказишни илтимос қилибди.

— Яхши гапинг бўлса, тайёрман, марҳамат. Гинакудуратли бўлса, узр! Оғайним сен уйлагандек эмас. Яхши томонингни гапирди. "Тирноқдан кир қидирмайди". Беайб фақат Парвардигордир, — дея менга нисбатан унда меҳр уйғотибди ошнам.

— Нотўғри фикрда эканман! — дебди у оғайнимга.

Оғайним ўша танишим билан узилай деб қолган меҳр ипини қайта боғлаб, узилмас қилиб, энг улуг савобга эга бўлган эди.

ИМИЛЛАБ ОҚҚАН ДАРДИСАР

Ариқни банд қилиб, тагида имиллаб оққан сувдан кўра тегиримонни бузса ҳам, тошқин сув афзал. Ақл, заковат бор экан, инсон тошқин сувни ўз измига юргизиб, юртни обод қилади.

Имиллаб оққан сув дардисар: ундан қандай қилиб фойдаланишни билмай ақл ҳайрон?..

НИМАНИНГ КАСОФАТИ

Инсонга яхшилик қилиб, кўнглини топиш қанчалик мушкул бўлса, аксинча, ёмонлик қилиш шунчалик осон. Яхшилик қилувчи, лозим бўлса, ўз фойдаси ва қимматли вақтидан кечиши, сабрни ўзига байроқ қилиб олиши лозим.

Ёмонлик қилувчи шайтоний вассаса туфайли бировга берган азобидан вақтинча роҳатланади-ю, бу роҳат ўзига тонналаб азоб бўлиб қайтишини билмайди.

Шайтоннинг "Ҳозирги ҳузурингни ўйла", дега-нига лақиллашининг касофати бу!

ХАТО

У ишда хатога йўл қўйганини қайтса ҳам, танбехларга бўш келмай, ўз билганидан қайтмади. Хатосини тан олса, обрўси тушиб кетадигандек.

— Эй нодон, иш бор жойда хато бор. Хато қилганингни ҳам, мардлик қилмаётганингни, уни тан олмайганингни ачинамиз, — дейишди унга.

ҲАЁТНИ ЎРГАНИШ

- Ҳаётни кимдан ўргандинг? — сўрашди бир билимдондан.
— Кўзи оғиздан.
— Қандай қилиб?
— Кўзи оғиз юрадиган йўлини ҳассаси билан текшириб кўради, кейин қадам босади. Мен ҳам қилганим ишларимни аввал ўйлаб кўрдим, кейин мақсад сари интилдим. Шу сабабли ҳаётимда қўқилганим йўқ.
Беш кунлик дунёда шундай яшагин:
Тўғри юр, яхши бўл, ҳалол ошагин.
Кимса дунёга устун бўлмайди,
Ёмон феълинг бўлса, тезда ташлагин.
Гани АБДУЛЛАЕВ

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

"Respublika mulk markazi" МЧЖ бошланғич баҳоси босқичи-босқич охири бориш тартибида ўтказиладиган очик аукцион савдосига таклиф этади!
Аукцион савдосига "G'alla-Alteng" АЖга тегишли, Тошкент шаҳри, Яшнобод тумани, Элбек кўчаси, 37-уй манзилида сақланаётган қуйидаги автотранспорт воситалари такроран қўйилмоқда: 1. "Toyota Corolla" русумли давлат рақами 01/474 SAA, 2006 йилда ишлаб чиқарилган, бошланғич баҳоси — 27 628 000 сўм. 2. "Камаз" русумли давлат рақами 01/403 NCA, 1979 йилда ишлаб чиқарилган, бошланғич баҳоси — 10 706 000 сўм. 3. "Газ 53А" русумли давлат рақами 01/411 NCA, 1983 йилда ишлаб чиқарилган, бошланғич баҳоси — 3 190 000 сўм.
Аукцион савдоси 2018 йил 5 февраль кўни соат 15:00 дан бошлаб ўтказилади. Аризалар расмий иш кўнлари соат 10:00 дан 16:00 гача қабул қилинади (13:00 дан 14:00 гача тушлик). Аризаларни қабул қилишнинг охириги мuddати: 2018 йил 2 февраль кўни соат 18:00.
Савдо ғолиби деб топилган шахсга 10 кун ичида сотувчи билан олди-сотди шартномаси тузиш мажбурияти юқлатилади. Савдода иштирок этиш учун ариза, зақалат пули тўланганлиги ҳақидаги тўлов ҳужжати нусхаси, вакиллар учун ишончнома тақдим этилади.
Талабгорлар савдо ташкилотчиси билан тузиладиган зақалат келишувга асосан мулк бошланғич баҳосининг 10 фоизидан кам бўлмаган миқдорда зақалат пулини "RMM" МЧЖнинг ХАТБ "Давр банк" Олмазор филиалидаги қуйидаги ҳисоб-рақамига тўлашлари шарт: х/р: 22604000200571452001. МФО: 01121. СТИР: 200933850. Аризаларни қабул қилиш ва савдо ўтказиш манзили: Тошкент шаҳри, Олмазор тумани, 1-Қорақамиш кўчаси, 1А-уй. 228-79-52.
Гувоҳнома № 001805

ТИҚХММИ
Тошкент Ирригация ва Қишлоқ Ҳўжалигини механизациялаш муҳандислари институти қошида 2018-2019 ўқув йили абитуриентлари учун "Тайёрлов курслари" ташкил этилди.
"Тайёрлов курслари"да қуйидаги йўналишлар бўйича чуқурлаштириб ўқитилади:
— аниқ фанлар йўналишлари бўйича: математика, физика;
— табиий фанлар йўналишлари бўйича: кимё ва биология;
— ижтимоий-гуманитар йўналишлари бўйича: тарих, она тили, адабиёт, инглиз ва рус тиллари.
Инглиз тили курслари кенгайтирилган равишда тингловчиларнинг билим даражаларига мос равишда янги гуруҳларда ташкил этилади.
Бундан ташқари IELTS курслари ҳам ташкил этилган бўлиб, ўқув машгулотларни юқори даражадаги сертификатларга эга ўқитувчилар томонидан олиб борилади.
Тайёрлов жараёнида абитуриентлар нафақат юртимиздаги олий таълим муассасаларига, балки халқаро олий таълим муассасаларига ҳам мақсадли тайёрланади.
Барча хоҳловчиларни ўқув нурсимизга таклиф қиламиз.
Бизнинг манзил: Бодомзор йўли кўчаси, 1А-уй
Телефон рақамларимиз: +99895 194-18-17; +99890 326-69-13; +99897 750-22-27

СОҒЛОМ БОЛА — АҲИЛ ОИЛА МЕВАСИ

Бектемир туманида жойлашган "Миришкор" маҳалласида "Соғлом бола — соғлом ва аҳил оиланинг меваси" деб номланган маънавий-маърифий тадбир бўлиб ўтди.

Мазкур тадбир Ўзбекистон Қизил Ярим Ой жамиятининг Бектемир туман ташкилоти томонидан уюштирилган бўлиб, унга эндигона мустақил ҳаёт остига қадам қўётган ёш келин-куёвлар, ота-оналар, маҳалла фаоллари ҳамда мутасадди ташкилотлар ходимлари ва оммавий ахборот воситалари вакиллари таклиф этилди.

Йиғилишда сўзга чиққан Бектемир тумани ҳокими ўринбосари, хотин-қизлар қўмитаси раиси Зиёда Тоҳирова, "Миришкор" маҳалла фуқаролар йиғини раиси Рустам Хошимов, туман ФХДБ бўлими ходими Шохида Кароматуллаева, Ўзбекистон Қизил Ярим Ой жамиятининг Бектемир туман ташкилоти ижрочи директори Дилдора Мавлонова ва бошқалар республикамизда истиқомат қилаётган ҳар бир фуқаро, айнққса, ёш авлод жаннатмакон юртимизда ҳукм сўраётган тинчлик-хотиржамликнинг қадрига етиши ва ана шундай неъматни асраб-авайлаш ҳозирги таҳликали замонда ҳар биримизнинг бурчимиз бўлмоғи лозимлиги, оиланинг муқаддаслиги, турмуш қуришдан олдинги табиий кўрик мажбурий эканлиги ҳамда фарзандларимизнинг ҳар томонлама баркамол бўлиб вояга етишида ота-она, маҳалла-қўй, таълим масканининг тутган ўрни ўта аҳамиятли эканлигини алоҳида таъкидлаб ўтдилар.

— Бундай тадбирларни ўтказишимиздан асосий мақсад никоҳдан ўтаётган ёшларимизнинг қалбида муқаддас тушунчаларни шакллантиришдан иборат. Чунки, ҳозирги пайтда ажримларнинг кўпаяётгани миллитимизга хос бўлмаган ҳуноқ ҳодисадир. Оиланинг муқаддаслиги каби тушунчаларни ёшларимизга доимо уқтириб боришимиз зарур. Ота-оналар, маҳалла-қўй ҳам бу масалада фаол бўлсалар, мақсадга мувофиқ бўлар эди. Мана шундай йиғилишларни тез-тез уюштириб туриш лозим, деб ҳисоблайман. Қолаверса, бугун ташкилотимиз ҳақида ҳам йиғилганларга маълумотлар бериб ўтдик, — дейди Ўзбекистон Қизил Ярим Ой жамиятининг Бектемир туман ташкилоти волонтери Махбуба Саитова.

Тадбирда соҳа мутахассислари "Никоҳланувчи шахсларни табиий кўрикдан ўтказиш тўғрисида"ги Низомга кўра, барча фуқаролар ФХДБ органларига никоҳга кириш учун ариза бергач, табиий кўриқдан ўтиш учун йўланма олишлари ва белги-ланган тартибда ўз саломатликларини текшириб кўришлари шарт эканлиги ҳақида батафсил тушунчалар беришди.

Шунингдек, тадбирда "Соғлом турмуш тарзи ва оила", "Соғлом авлод асослари", "Эрта никоҳнинг ҳамда яқин қариндошлар орасидаги никоҳнинг салбий оқибатлари", "Репродуктив саломатлиги ва соғлом оилани шакллантириш", "Оиланинг мустақамлиги ўзаро муносабатларнинг тотувлигидадир", "Тадбиркорлик манфаати қонун ҳимоясида" каби мавзуларга маърузалар йиғилганлар эътиборига ҳавола қилинди.

Тадбир давомида иштирокчилар ўзларини қизиқтирган саволлар бўйича мутахассислардан атрафлича тушунчалар олдилар.

Бахтиёр ЖЎРАЕВ

РЕКЛАМА ВА ЭЪЛОНЛАР

Тошкент молия институти томонидан 2011 йилда Сойилов Улугбек Уткирджанович номига берилган В №546171 рақамли диплом ва диплом иловаси йўқолганлиги сабабли
БЕКОР ҚИЛИНАДИ
"Олмазор тумани ер тузиш ва кўчмас мулк кадастри" давлат корхонаси томонидан Акбаралиева Патила Абдуназаровна номига турар жой учун Олмазор тумани, Себзор мавзеси, 4-уй, 180-хонадон учун берилган уй план кадастр ҳужжатлари йўқолганлиги сабабли
БЕКОР ҚИЛИНАДИ

Тошкент шаҳар Чилонзор тумани ТСРҰИ томонидан Авазбаева Наргиза Абдусаломовнага 23.10.2014 йилда берилган реестр рақамли № 0810472 бўлган яқка тартибдаги тадбиркорни давлат рўйхатидан ўтказиш тўғрисидаги гувоҳнома (патент) йўқолганлиги сабабли
БЕКОР ҚИЛИНАДИ

Тошкент автомобиль йўлларини лойиҳалаш, қуриш ва эксплуатация институти жамоаси "Транспорт логистикаси" кафедрасининг катта ўқитувчиси Абдурахим Сойибович Муродовнинг волидан мутарамаси
МУКАДДАМ ИСЛОМОВА ВАСИЕВАНИНГ
вафоти муносабати билан марҳуманинг оила аъзолари ва яқинларига чуқур таъзия изҳор этади.

ЎЗГИДРОМЕТ
ХАБАР ҚИЛАДИ
Тошкент шаҳрида 19 январь кўни ҳаво ўзгариб туради, ёғингарчилик бўлмади. Кечаси ва эрталаб туман тушуши мумкин. Шарқдан секундида 3-8 метр тезликда шамол эсади. Ҳарорат кечаси — 0-2 даража совуқ, кундузи — 10-12 даража илқ бўлади.
Ўзгидрометнинг мониторинг хизмати маълумотига кўра, 19 январь Тошкент шаҳрининг об-ҳаво шароити шаҳар ҳаво муҳитида зарарли моддаларнинг бир оз тарқалиб кетишига имконият яратди, ифлосланиш даражаси паст бўлади.